




三國志證聞

上

柳田文庫
文庫11
D 266
1



三國志證聞

文庫11
D266
1

柳田泉文庫

010190558466

炎緒之西江
蘇書同開雕

三國志證聞卷之上

嘉興錢儀吉

武紀

註騰父節字元偉 趙氏清曰按後漢宦者傳曹節字漢豐南陽新野人也則與註元偉疑若二人但漢世安得有兩曹節俱於桓靈之世為宦官乎節傳又云皆養子傳國則騰亦為節所養矣尚欲宗姬祖舜豈不可哂又五行志稱靈帝用曹節令禁錮海內清英之士謂之黨人與傳贊美之詞大相齟齬

註嵩夏侯氏 何氏焯曰按夏侯惇之子楸尚清河公主淵子衡亦娶曹氏則謂嵩夏侯氏子者蓋不足信

註接要 何氏曰曹氏諱節故作接

註五色棒 何氏曰從廣韻改楮



除洛陽北部尉 孫氏志祖云三國志詳節部下有都字
出關過中牟 趙氏曰關即函谷關也

兗州刺史孔佃 詳按臧洪傳孔佃為豫州刺史此訛作充

袁遺 趙氏曰紹傳註引英雄記紹從弟

乃刻木如信形狀 一本乃字上有眾字

衛將軍董承 至洪不得進 趙氏曰按後漢董卓傳董承潛召操

此云承拒曹洪二書相違錯也

斬辟劭等 何氏云劭字疑衍汝南降賊劉辟叛見建安五年

封費亭侯 晉書地道記湖陸縣西有費亭城魏武帝初所封趙

氏曰太祖之祖騰封費亭在沛國太祖似是復舊封耳董昭傳

云共表太祖為鎮東將軍襲父爵費亭侯不當在山陽也

無敵自破者 宋本自有而字

軍人仰給桑椹 何改給為食

留其將橋蕤李豐梁綱樂就 何氏曰樂就下當有拒公二字

月餘布將宋憲魏續等執陳宮舉城降 後漢書獻紀在十二月

癸酉

註為庸人之所陵陷 何氏云宋毛俱作陵陷

河內太守繆尙 何改繆云穆字从文選註音留

公曰唯其才也 何氏云唯水經註作難

註魏武故事曰岱字公山 至封列侯 何氏曰兩劉岱俱字公山

正禮之兄乃東萊牟平令初平三年與黃巾戰死此更是一人

也

註因率等伍逆擊之 伍宋本作仵

註繫著忠馬鞍 著字元修本無

紹引兵至黎陽將渡河 山堂禊論云潯滑閒渡河處主河北而言則曰黎陽主河南而言則曰白馬

註一似管窺豹歟 何氏曰晉書窺豹之言避唐諱也

若循西山來者 趙氏曰按西山當謂太行也

尚夜遁保祁山 趙氏曰按祁山在相州安陽縣解見袁紹傳

尚懼故豫州刺史陰夔及陳琳令降 何氏云懼字下當有遣字

又從洵河口鑿入潞河名泉州渠以通海 水經註引陳壽魏志

從洵口鑿渠逕雍奴泉州以通河海又曰濡水自雍奴縣承鮑

邱水東出謂之鹽關口魏太祖征蹋頓與洵口俱導也世謂新

河矣陳壽魏志以通河海也道元兩引三國志皆有河字似今

本失之河即噶施河也

註先賢行狀曰璆字孟平 後漢書作孟玉是也

註鵠字孟黃 張懷瓘書斷作孟皇儀吉案黃字是也

註自臨江而迎喪 宋本無而字

註以及子植兄弟 何氏云子植當作子桓子桓乃丕字對臣下

不以稱子之字為嫌觀陳思王傳註中所載諸令屢稱子建則

此為桓字決也

李璠 璠改堪以下文及馬超傳註校

註贅猶綴也 孫氏云四字當在何休云之下

註安隱於其泉也 姜氏西溟云隱即穩字

於是中軍師王凌謝亭侯荀攸 陳氏少章云下文皆云攸等則

王字衍文凌當陵謝當樹荀攸傳冀州平太祖表封為陵樹亭

侯

鑿渠引漳水入白溝以通河 魏都賦曰北臨漳滏郡國志鄴有

故大河有滏水趙氏曰按故大河即漳水也禹貢覃懷底績至

於衡漳又曰北過洺水至於大陸皆指漳流也滏水亦入漳

省安東永陽郡按漢魏之際別無安東郡疑是南安之訛原稿作東

武安改方輿紀要獻帝起居註初平四年分上郡漢陽置永

陽郡領平襄清水略陽等縣曹魏改曰廣魏治臨渭劉昭註郡

國志引獻帝起居註初平四年十二月已分漢陽上郡為永陽

以鄉亭為屬縣按上字疑衍據此則不以漢縣為屬而以鄉亭

為縣然其制不可考宛溪之言非也似趙說

註安陽侯王邑侯上脫一亭字

註及給事黃門侍郎趙氏曰按黃門侍郎即衛臻

註完及宗族死者數百人何氏云完字衍其死在十四年趙氏

曰按完當是典字完之子也

會涼州宋揚北宮玉等反玉上脫伯字見後漢書靈帝紀

巴漢皆降復漢甯郡為漢中宋州郡志漢中太守秦立疑是此

前改漢中曰漢甯也趙氏曰按張魯傳云漢末力不能征云云

領漢甯太守治今興安州之漢陰縣顧氏祖禹曰建安六年分

漢甯之安陽置漢中郡以張魯為太守郡尋廢後漢書劉焉

傳註引袁崧書建安二十年置漢甯郡疑非

於是分巴郡以胡為巴東太守漢為巴西太守趙氏曰郡國志

益州巴郡按譙周巴記初平六年趙韙分巴建安六年劉璋分

巴迨先主得益州則又分巴巴非魏屬亦非孟德所得分也此

但有虛名以羈縻屬夷耳

註斯則世祖神明世上增出字從宋本增

註遲祭不速訖也不字疑衍

註不終實也 攷證云文類作終不實也

註有司奏四時講武於農隙 於上有皆字从宋書禮志增

註造我區夏 宋本區夏作區宇

註慰萬民哉 宋本民作方

註四體書勢序曰梁鵠以公為北部尉曹瞞傳曰為尚書右丞司馬建公所舉 何氏曰劉昭百官志補引漢官曰洛陽孝廉左尉

四百石孝廉右尉四百石北部者右尉也時曹公正以孝廉為郎合得作尉故建公舉之四體書勢之說非也

屯下辯 按下辯當作下辨

漢太醫令吉本 本改平後漢書耿秉傳作吉平註平或作平

註三輔決錄註曰時有京兆金禕 禕父名旋事見蜀先主傳註

註因以聞之 聞宋本作問

註王曰必欲投禕 王曰字疑誤考證云作或曰為是

註東里襄 襄改衮从三少主紀

註會費仁軍至共滅之 按於是遂失漢中宋州郡志魏興太守

魏文帝以漢中遺民在東垂者立屬荊州文帝紀失書置魏興

郡事在明帝紀

註手不捨書 硯北雜志曹公作欹案臥視讀書

註是以袁紹崔豹之徒 何氏云少章云崔豹當作崔鈞宋書禮

志可校鈞與袁紹起兵山東見崔駟傳

文紀

註獻帝起居註曰建安十五年為司徒趙溫所辟後漢獻帝紀建

安十三年春正月司徒趙溫免

註旁祇厥緒 旁疑作方

初漢熹平五年黃龍見譙 魏以龍興亦以龍亡假託象兆後遂
為妖所謂其氣燄有以取之也

註孫盛曰天子哭同姓於宗廟門之外 何氏云魏未嘗以夏侯
為同姓故與之婚姻盛議非也

註由井里之田 何氏云井里出荀子
註曜明其志 曜當作昭避晉諱改

註視金鼓之節 視字宋書禮志是親令二字武帝紀建安二十
一年冬十月治兵註引魏書曰王親執金鼓以令進退宋書為
是

註幽王不爭 幽宋本作幽

註吾前遣使 吾宋本作曰

註春秋玉版讖曰代赤眉者魏公子 宋本無眉字宋書苻瑞志

同

註說者以樂 漢二十四帝 漢上有直字从宋苻瑞志增

註孝經中黃讖曰日載東絕火光不橫一聖聰明 何改絕為紀
補一字从苻瑞志志祖按絕字不應改紀日載東鄧曹字也曹

又作曹絕火光謂炎祚將絕耳不橫一則文帝之名下文所
言魏王姓諱著見圖讖者以此

註有德者遇之 何改遇為過

註心慄手悼 何氏云悼疑作掉志祖案悼震悚也似不應作掉

註辭不宣口 何改口為心

註太僕宮廟 太僕疑作大撲

註周之伐殷以恭也 恭疑作暴

今月十七日己未宜成 何氏曰少章云宜當作直三少帝紀註

高貴鄉公自敘以己未直成生又云厥日直成應嘉名此證據之顯然者案漢王莽傳以戊辰直定即真天子位師古曰以建除之次其日當定直成之義亦猶是耳

註為時將討黃巾 趙氏曰按為當作於以於篆文之誤也

註天下不可一日無君也 天上增明字从宋符瑞志

註奉今月戊戌璽書 何改壬戌

及至承光禪被珍貴 何改珍為珍

春三月加遼東太守云云 春字衍

註受茲嘉賜 宋作嘉錫

註世著名節 名節後漢書註引續漢書作名績

註叛胡治元多盧水 按張既傳云涼州盧水胡伊健妓妾治元

多等反河西大援然則女賊也盧水詳既傳

註昔隗囂灌洛陽 趙氏曰按洛陽當作略陽

註魏書曰十月乙未大軍當出 从晉書禮志十改七

甘雲翻舞 翻改翹从宋樂志

大昭舜 昭改韶从齊樂志

公女曼為長樂郡公主 按長樂郡亦虛封

征東大將軍曹休 趙氏曰按晉宣帝紀無曹休且詔太子曰有

間此三公者慎勿疑之則非四人可知矣即休傳亦無受遺輔

政事也

註鄧城侯植為誅 思慕過唐潛心無內抗志高明聰察無響親

覩未形爵功無重宅土之中率民以漸六合通同齊契共檢導

下以純民由樸儉九壤披震虜備凶徹疑作黃初叔祐陳浩曰

燎封奉柴疏逃遐康九功仍舉胡甯忍予追堯纂唐山同阪

悼晏駕之既修兮子建集迫顧景而憐形以上从藝文校

註死唯一棺之土 棺改植从宋本

明紀

以其母誅 趙氏曰宜書甄后生帝

夫攻守勢倍終不可久也 趙从宋本可改敢

分新城之上庸武靈巫縣為上庸郡 趙本武靈作武陵

註以土瓦填塹 何本瓦改丸儀吉案作瓦亦通

註思人生有處所 汲古閣本所下有耳字

或誤時朝 宋禮志作或誤朝議儀吉案或即惑字

豈訓導未洽 太平御覽豈下有朕字

三月癸酉行東巡 志祖按文選景福殿賦註行字下有幸字

註存則顯其爵 北雍本爵下有祿字

註於是以惇等配饗之 之字疑衍

二將沒 沒上當有敗字

註多呼其小字阿蘇 蘇改蘇

註今追謚山陽公曰孝獻皇帝冊贈璽紱 紱何改綬

大曜兵 何改曜為耀

註使博士馬均作司南車 何氏云馬均杜夔註作馬鈞司南作

指南

註大告開壽 何氏曰以搜神記觀之大告當為大吉

尙書左僕射衛臻為司空 左改右以宋百官志及臻本傳校

分魏興之魏陽 按不改廣陵為魏陽此當是魏昌之誤

註是以制度無常 晉禮志並以興廢無常

註臣聞古之直士 御覽直作貞

註帝問宣王度淵將何計以待君 陳明卿本度上有卿字
註則手足相代 晉何曾傳手作才

註遣廣魏太守王贊 胡氏禹貢錐指曰廣魏故廣漢也蓋曹氏
改名顧氏宛溪曰廣魏即後漢初平中所置永陽郡改治臨渭
趙氏曰按建安十九年已有永陽郡矣則似廣漢為廣魏東樵
說是也

註真偽不許相賀 許毛作得
三少帝紀

六月辛丑退己卯 卯改酉

冬十二月散騎常侍諫議大夫孔晏又奏曰 何氏曰此晏字乃
衍文孔父字元儁見第十六卷註中因下統言晏父而訛也
新城太守陳泰 陳氏少章云陳泰當作州泰元伯本傳具載前

後歷官未嘗典郡又嘉平中方代郭淮為雍州刺史安得與基
同建破吳之功乎州泰事迹附鄧艾傳後為新城太守見註中
志祖按通鑑作州泰

註求勅并州并力討恪 恪改胡从宋本志祖案通鑑作胡

註司徒萬歲亭侯臣柔高柔 孫邕 滿偉 庾嶷管甯 臣繁繁

鍾 魯芝 鄭柔作柔 何禎 張閔 賈模 城門校尉

臣慮儀案蓋 曹演純之 郭德繼甄後者 昌武亭侯臣虞

之子司馬明 武陔 郭建 甄温 睢陽侯臣初無考 關內侯臣

超無考 鄭小同 荀顗 趙艷 之子晉景 華表儀吉安當

侯郭表封安陽鄉侯 二語未知當何指也 章誕 臣瓌 王儀 郭芝 盧毓

王觀 袁亮 崔贊 裴康 臣鈐臣範 庾峻

註使保林李華劉勳等 兩劉勳

破欽於樂嘉 郡國志無樂嘉縣宛溪曰從汝南郡之博陽王莽
更名曰樂嘉者也後漢縣省按嘉今本漢書註作家詳見毋邱
儉傳

安風淮津都尉斬儉 淮字衍安風津見毋邱儉傳

註后相殆滅 殆改殄从御覽

舊章不行 行疑作愆

懼於所論 論改諦从宋本

五月鄴及上谷並言甘露降 宋書苻瑞志作上洛今校正改谷

為洛

註侯音狂佞 佞改狡

以被重創 以改已

註伏見故漢大司農北海鄭元云云太平寰宇記費縣南城山云

云今孝經序鄭元所作其序云云 趙氏曰按今註疏力辨康

成未嘗註孝經其驗有十二而原序如此似不可誣也宜乎荀

景范暉篤信舊註不以為非

冬十月丙寅分新城郡復置上庸郡 趙氏曰按上庸郡省於明

帝太和四年夏六月而復置於景初元年五月此後未嘗書省

兩云復置未審其由

前後數次 次改十

註國語曰業武陵人 何云國當作世

故漢獻帝夫人節薨 少章云續漢書曹騰父名節太和詔書所

稱處士君者也於獻穆為高祖不應上犯祖諱必有一誤

孫休遣使鄧句 趙氏曰鄧句當是鄧荀晉書陶瓚傳云察戰鄧

荀擅調孔雀三千頭即其人也

遣都尉唐譜等詣進乘縣 郡國志牂牁郡有進乘漢志作進桑
襄武上言云云 水經注引魏志文不同
后妃傳

註紹妻及后共坐室堂上 室作皇从宋本

註皆難以實論 論改錄从宋本

註夫以皇家世祀之尊 祀改妃从宋禮志

文帝欲立郭后 郭后一本作為后

董二袁劉傳

註枝解節棄於道邊 何云節下疑有脫字

獨與素所厚友胡赤兒等五六人 何本友改支云支胡胡號也

註越騎校尉王頎 趙氏曰兩王頎

註汜妻懼催與汜婢妾而奪已愛 袁宏漢紀婢妾下有私字

註乃與腐牛骨皆臭 趙本作乃與腐牛骨五具

註我有呂布之功 趙从冊府元龜有下增討字

註外有董昱承璜以為鯁毒 趙氏曰案卓傳云兄子璜此云承

璜豈別是一人字疑有誤儀吉案趙氏於蜀先主傳中又以承

為車騎將軍董承

註天子使左中郎將李固 後漢卓傳註引獻帝起居註作李國

以上卓傳

註京子陽太尉陽四子 後漢袁安傳陽作湯據改

註非萬機之主 機一本作乘

兆民戴之來久 何改承久

使陳留高幹穎川荀湛等說馥曰 趙氏曰按臧洪傳註引英雄

記說馥者尚有張景明郭公則二人公則疑是郭圖字景明名

導見水經注

註振兵駭鼓 各欲離散 據紹本傳註引英雄記校

振一郡之卒 振後漢書作擁

即表授為監軍奮威將軍 趙氏曰按後漢書紹傳以劉馥為奮

威將軍則不得表授為奮威也紹傳作奮武為是

註亡人子二人則君之甥 後漢袁紹傳註引此書曰亡人二女

則君之甥

註左髮丈八等 何改髮為髭

註孤欲令四兒欲據一州 趙氏曰按紹三子譚巡尙連外生高

幹並數故云四兒

註是時百姓無主欣戴之矣 主改不

註說曰旡發石也 宜作說文曰

註不圖今日乃相禽也 禽紹傳作得

註未若文公之忿曹 文公當作太公謂其父紹也後漢紹傳載

表書前有三孤與太公志同願等又云功績未立太公殂殞是

也忿曹者謂致忿於操耳

註聞之哽咽雖存若亡 後漢紹傳註引魏氏春秋及紹本傳載

表與譚書俱作若存若亡

註非疆弱之事爭 事字衍從後漢書

註當唯義是務 義改曹

以平先公之恨 卒改平

先公謂將軍為兄子 何云觀此二語則漢末稱本生之親不復

系以父母之名矣

註曰自卿文榮耳 何改文為子

熙尚為其將焦觸張南所攻 兩張南

註先為揚州刺史自病死 趙氏曰案獻帝紀興平四年三月袁

術殺揚州刺史陳温

註備軍中千餘人 備改條从通鑑

註心享萬世之利 心改必何校

琦與琮遂為雋隙 趙氏曰按袁尚有少子名修字季緒見陳思

王傳註

註言自中興以來 興改平

呂布張邈臧洪傳 何氏曰按臧洪上當有陳登二字乃與評合

由是催等遂相結 李催等何增入

布不能拒李催等遂入長安 李字衍

註以布為潁州太守 州改川

布遣子求救於術術自將千餘騎出戰 當改作布遣子求救於

袁術自將千餘騎出戰後漢書可互證

布因指備曰 布傳曰布目備曰大耳兒最叵信一清按此言得
之布已受縛不得用手指也

註孫策遣軍攻登於匡騎城 趙氏曰按匡騎城未知處所據吳

書註引江表傳廣陵太守陳登治射陽方輿紀要射陽城在鹽
城縣西九十里孫策攻登宜在此城或是別名未可知也陳矯
傳作匡寄

註遷登為東城太守 趙氏曰漢書地理志九江郡有東城縣後

漢省不聞有置郡事城字疑誤儀吉案此非也此正是東城作
郡之據耳誠夫先生偶未審此

紹歎其能 歎後漢書作憚得之

註景明亦有其功其餘之事未詳 水經注云張導字景明建和三年為鉅鹿太守漳津汎溢土不稼穡導披地圖事丞彭參掾馬道嵩等原其順逆揆其表裏修防排通以正水路功績有功用嘉賴題云漳河神壇碑即是人也

註徐眾三國評曰 徐眾當是徐爰

二公孫陶四張傳

故太守器之 後漢書註引魏志曰侯太守妻之以女

瓚具米肉於北芒上 趙氏曰案遼西亦有北芒

遂出軍屯磐河 按磐河當作般河水經注故渠川派東入般縣

為般河漢書公孫瓚破黃巾於般河即此河也又後漢書瓚本

傳云遂屯軍出槃河槃即磐字

紹與故虎牙都尉劉勳 兩劉勳

註瓚攻及家屬以還 何云攻下有脫文

註謂三人者為仲叔季 从北宋本增謂字

註謂為流力同仇 流力馮太史校本作旅力

直出傍西南山 後漢書無南字西山太行山也張燕傳三常山

趙郡中山上黨河北諸山谷是也

註及舞又不轉 御覽作乃舞舞又不轉

欲以臧之 何氏云臧下疑有劾字

單于執楊至黎陽 北宋本執作與

註校尉裴潛 兩裴潛

註又有左校郭大賢 按郭大賢疑是左校之帥故下云三部也

羣下欲尊魯為漢甯王 一清按建言張魯舉號者是李勝之父

李休見曹爽傳註

不如依杜灌 改杜濩

註在禮為中 少章云謂當作請劉封傳注申儀拜勝略將軍在禮請中可互證也

諸夏侯曹傳

惇乃斷太壽水作陂 按太壽不見於兩漢志大約在甯陵襄邑

開水經注汶水又東逕夏侯長塢述征記曰夏侯塢至周塢各相距五里疑即惇所治也

為大將軍後拒 一清云按將字衍文魏武時為司空不為大將軍又惇親貴殊倫不當為他將後拒儀吉案此時亦無他人為大將軍也

大將軍擊破呂布軍於摩陂 何氏云呂布疑作關某拜惇大將軍 惇下有為字北宋本

宜擇惇近屬劭封之 劭改紹

註時浩舅杜陽為河陰令 按兩漢志皆無河陰宛溪云平陰魏文帝改曰河陰計杜陽為令時未有河陰蓋史家據當時所改而成文然亦誤矣儀吉案此條亦在可否之間

擊破南山賊劉雄 雄下當有鳴字見張魯傳末註中

註進至興世 世改勢

註晉景陽皇后姊夫也 少章云陽當作羊此晉景獻皇后也

紹遣別將韓荀 當作韓莫見荀攸傳

轉擊濟陰山陽中牟陽武京密十餘縣皆拔之 趙氏曰按此傳

錯舉郡縣以成文濟陰則定陶也山陽則昌邑也二者皆郡名也中牟舊城在今中牟縣東六里陽武今陽武縣治京城在滎陽縣東南三十里密城在密縣東南三十里四者皆縣名也若

河水之上陽縣故城在懷慶府修武縣西北六十里去濟陰蓋遠不得連及而濟陰又非縣名故知其錯舉也

拜揚州牧 趙氏曰按此曹魏刺史尊者亦為牧晉職官志漢建安四年魏武丞相府自置一清按操以建安十三年為丞相四年尚為司空史誤也

督休諸軍向尋陽 督休當作休督少章云二字當乙宣王與休並為大將分道而進宣王方從西道乘吳上游則東軍之向尋陽者不得兼督也

註初平中太祖興義兵 中改年

督徐晃等 作徐晃

註詣閣拜辭 閣作閣

臣言二祖亦屬臣以後事為念 此為念二字衍

註以官易富鄧元茂 富改婦

註中夜至五鼓 志祖案通鑑作甲夜註甲夜初夜也

註向死者搏頰 宜作向使者博頰

元字太初 北宋本提行

今之長吏皆君吏民橫重以郡守 何云此處有訛字儀吉按民字為句無誤也趙誠夫謂皆君吏民橫乃訛耳

穴從僕射劉賢 晉書作劉寶賢

註卽禍及宗侯 疑作宗族

註魏將軍司馬文王流涕請之 何氏云魏將軍或疑作衛將軍然以三少帝紀證之文王於時為安東將軍非衛將軍也

註考問竟故減死 故字衍

註年限在後日限在前 後字增某守雖後四字从御覽

註經字彥偉 改彥緯

註不申經竟 竟當作意高貴鄉公卒下註云經正直不出因沈

業申意何

荀或荀攸賈詡傳

太祖議奉迎都許 李氏清植曰奉迎之後用董昭勸乃都許耳

其初未有都許之議也事見武紀甚明此都許二字乃史家隨筆之誤

註乃錄為鼓吏 吏改史下同從後漢書

衡著布單衣疏巾 疏改練說文練布屬从糸束聲廣韻在魚部

所蒞切蓋聲近致訛

註少聰博有膽智 作瞻非

文愍篤誠 何氏云愍當作敏

註閔從孫暉 暉改輝

其將韓莫 武紀注引曹瞞云斬其督將韓萬子豈即莫乎

註其閒必有命世者 命改名

註屠三十六萬方 萬字衍因下方字而妄增也餘見後漢皇甫

嵩傳

為平津都尉 趙氏曰按平津即小平津也

註文帝得詡之對太祖 得當作德

袁張涼國田王邴管傳

袁煥 何氏云煥當作煥今太康縣猶有袁煥碑許靖傳亦是煥

字一清按晉袁瓌傳煥之曾孫亦从火作煥

術不能抗 儀吉案抗疑悅之譌

拜為沛南部都尉 按漢志只云都尉此云沛南部都尉豈曹魏

更分南北部乎

註蓋朱淵袁津 何改爰津

又帝問渙 又改文从北宋本

註故常治退 治改恬

承弟昭時為議郎 兩張昭

論議多據經典 多字从北宋本

樂安蓋人也 趙氏曰按漢書泰山郡蓋縣北海郡益縣今云樂

安蓋縣未詳或蓋益字相類而誤耶

田疇字子泰 章懷後漢書註作子春

皆拒不當 當改受

註子貢贖人而辭不取金 取改受

魏略曰河北始開始以修為司金中郎將 六字从御覽

註每讀詩至哀哀父母 每从宋本

註姊妹皆遠 晉孝友傳此上有昔嫁二字文義尤明

註而田樂陽達等 宋本陽達下同

註詣安邱孫崧 趙氏曰按漢志北海郡安丘註孟康曰今渠邱

是康三國魏人豈是時嘗改安邱為渠邱乎

註父邈字叔遼 兩張邈

張閣 齊王紀作閎儀吉案疑閎是也

王烈者字彥方 何云本為彥考後漢書注可據方字自是後人

改定

世所高尚 宋本北宋本俱無此四字

至熹平二年 熹改嘉

註損視聽 至捐視聽

註有宿儒棄文博者 今正

崔毛徐何邢鮑司馬傳

註世語曰植妻衣繡云云 趙氏曰按晉輿服志魏明帝始制天子服刺繡公卿服織成文今植妻以衣繡違制賜死蓋其令不始於明帝也

註司徒大將軍辟舉高第 趙氏曰按大將軍何進也

郡人甄子然 見後書第五種傳

註能元了禍福 世說注懸了禍患

註遂見收治 何改治字原作之

蕲陽為太祖固守術以夔彼郡人 按蕲陽漢沛國之蕲縣也而

陳承祚述史每有蕲陽之文豈後漢末曾改蕲陽乎又夔是陳郡人而蕲屬沛郡今云術以夔彼郡人所未達也

封咸陽亭侯 趙氏曰按晉何曾傳夔封陽武亭侯

今條同等為五 北宋本條作調

為行者宗田計 宗田未詳

註為冀州刺史尚書見百官志 志改名从北宋本

鍾繇華歆王朗傳

註繇則迪之孫 趙氏曰按後漢書繇是皓之孫註引海內先賢傳曰繇主簿迪之子此云迪之孫似誤

濟水未半 半今改

註隳忝使命 原作恭何改

註而難公 公下何增言字

註言人當道情 儀吉案疑作言人道常情

許劭月旦之評 劭今改

及子劭孫豫列侯 世說註引魏志曰繇家貧好學為周易老子訓今志無此語

明帝欲親西征 从御覽

實非至尊順動之時也 从御覽

正始中為散騎侍郎 少章云毓年十四即為散騎侍郎太和中

已遷黃門侍郎矣正始中乃為散騎常侍胡昭傳可互證此云

侍郎傳寫之誤

後以失爽意徙侍中出為魏郡太守 少章云徙當為從時侍中

在常侍上不應失爽意而反得美遷當是解其近職出之外郡

耳不書毓為侍中於前者史省文

王朗字景興東海郡人也 世說注引魏武書作東海郟人也

註三江五湖為治於魏 趙氏曰按治字當作沼左氏傳曰吳其

為沼乎

可復五日視朝之儀使公卿尚書各以事進 何氏云肅此奏欲

漸革政歸臺閣之弊乃當日之急務又欲轉移無迹故但以復

五日視朝之儀各以事進為言蓋臨朝奏事面取裁決則尚書

不得專執大柄可否任心矣

改封恂為承子 方輿紀要兗州府嶧縣春秋時鄒國漢為蘭陵

承二縣地屬東海郡承城在縣西北一里以承水所經而名承

讀拯俗作承誤也一清按今班固司馬彪二志皆作承字蓋世

本之非耳

註恂字良夫有通識 子衍大誤

徵士燉煌周生烈 後漢有周生豐見馮衍傳風俗通云周生姓

也路史引燉煌實錄云魏侍中周生烈本姓唐外生養周氏因

為姓亦見七錄及中經簿姓書一清按烈為張既辟舉見既傳

註唯洪與馮翊嚴苞交通 改苞字文通从御覽校

璣亦遣法事范方 晉儒林傳范隆父方魏雁門太守

註徐眾評曰 眾改爰

註不及十分之二 北宋本

註對曰劉項之敵云云 何云何其與文若語昭合也恐是一人

語而史兩傳耳

則志士將自疑 今改

案武紀太祖決策征備 从北宋本

皆法之所不取 不疑作必

上繚宗民 上繚見吳志孫策傳宗民即賓賊即山越也

註淮南人劉陶 按晉書劉仲武之子亦名陶兩劉陶

拜濟丹楊太守 按丹陽已屬於吳而此傳云拜丹陽太守蓋遙奪其郡也

註司馬彪戰略曰太和六年明帝遣平州刺史田豫乘海渡 趙

氏曰按典略曰 三年以遼東昌黎帶方元菟樂浪五郡為

平州後合為幽州不應太和六年已有平州刺史且豫此時為

護烏丸校尉持節 昌平戰略之言謬矣

又按晉職官志漢桓帝延熹三年置秘書監後省魏武為魏王

置秘書省令丞及文帝黃初初置中書令典尚書奏事而秘書

改令為監則與改秘書為中書置監令以資放為之之說自相

矛盾 紀尚按此條與前不承 接手稿如此姑仍其舊

進爵左鄉侯 按董昭封右鄉侯資封左鄉侯蓋以魏親密得寵

故封之近郊與後與各進爵封本縣是其證也

劉司馬等傳十五

而無其人 宋書禮志人作實

又修廣戾陵渠 據碑文校原文誤倒作渠陵

初朗所與俱從趙咨 兩趙咨

註子鄆字仲子並見百官名 原衍志字从北宋本增仲志二字

辟召為章長所在有治名 从宋本

張雄跋扈 何改雄張云二字以意乙之念慈傳亦有大姓雄張

之文

註既世單家富 何云衍富字儀吉案單家之文前後屢見

遣所署河東太守郭援 宋本署作置

又與夏侯淵宋建 趙氏曰按夏侯淵下有脫文淵傳云太祖使

淵率諸將討建既蓋隨軍在役二人不得連及也儀吉案淵下

蓋脫一討字

温恢 趙氏曰按據孫禮傳恢曾任刺奸主簿而此傳遺之

註不證其姓名 从北宋本乙

註教取造意者 遠謂獄吏曰 二字从御覽增

註時人益以此多遠 亦改為益

刺史部統諸郡 从北宋本此卷皆名刺史下卷則名守也各以

類從

傳十六

註嵩兄腆字元方襄陽太守 陽晉書作城

註聞又出車 車疑作軍

踞牀拔刀 宋本踞胡牀

註石崇妻紹之兒女也 兒女宋本作女兒

而有大意也 意改志

絕陝津 趙氏曰按陝津即茅津也亦謂之大陽津在陝州西北

三里

則眾離矣 則改賊从通鑑

故且煩卿臥而鎮之 何增而字

猶不能十州擁兵郡且二十也 从宋本二十當改十二

雖才且無益 宋本才且作文具儀吉案才且為長

陳周漢之法為 志祖云案通鑑法作云

然亦怪陛下不知其本 从宋本知政治

聽伊尹作迎客出入之制 志祖案聽伊尹三字不可解通鑑但

云定迎客出入之制下文伊尹之制通鑑亦作出入之制

以不得當世之和 趙氏曰按此指與司馬氏不和也晉書杜預

傳其父與宣弟不相能遂以憂死本傳亦云不然交援專心向

公然則務伯固魏氏之純臣也而非道以終元凱仕晉為之盡

力平吳功則高矣其如有愧於王偉元何

註乃從南陽步涉詣許從該 涉許从三字从後漢書謝該傳補

正

註子寬字務叔 姜氏云伯父字務伯父字務仲而子字務叔斷

無此理子字當是弟字之誤趙改弟寬云以昌黎集校改 故

中散大夫河南尹杜君墓誌曰杜氏自戴侯幾始分戴侯之子

恕為幽州刺史今居京兆諸杜其後也其季寬孝廉郎中寬後

三世曼為河東太守

註非以無益 後漢書鄭太傳作非謂無用

註而明公權以為爪牙 權改擁从後漢書

註自三原狹口以來 趙氏曰案狹口當作硤口即望增硤見卓傳三原未詳

註時年四十一 一宋書作二

多以鄭為字 御覽字作名

邵陵令 少章云渾為司隸部左馮翊邵陽乃其屬城若邵陵則

屬汝南郡為豫州刺史部內此因前有渾為邵陵令之文而誤

耳其地距邵陽不遠或是邵陽之誤

患水滂 从御覽患上增常字

終成魚稻經久之利 成字今改

料簡 御覽作斟酌但鞭杖作便杖而

令畜猪投賣以買牛 从晉食貨志志祖案投賣亦費解放證从

御覽貴時賣以買牛

十七

召為從事 一清云按宋百官志荊州有從事史在議曹從事下

大較應是魏晉以來置據此傳則他州亦有之不獨荊州也

以氏六縣叛 氏六縣未詳豈六縣有氏種乎方輿紀要六城在

舒城縣東南六十里

推選方員 御覽作雜選武力

建安十二年 从宋本

遣進與李典擊之 从宋本

攻廣威拔之 一清云按續漢志徐州諸郡無廣威縣當是廣威

之誤

斬辟劭等 一清云按此傳與武紀文正同皆誤也曹公破辟劭

在建安元年而五年又有河南降賊劉辟叛之事則於時劭死

辟降可知不得云斬辟劭也

追至祁口 一清云按祁口即沅口水經註沅水北通梁州沔陽縣東逕新城之沅鄉謂之沅水又東歷宜城西山謂之沅溪東流合於或水謂之沅口沛音怡宋州郡志新城太守下云祁陽令魏立晉太康地志作沅音祁則魏晉之交固有以沅為祁者矣然終以沅字為正

功最多封都亭侯 姜氏云前封都亭侯此又封殆以前封非出操耶

封高唐亭侯 少章云亭字衍按注中引魏書以郇侯更封高唐乃縣侯也

李典 水經註曰何水自潼關東北流郭緣生記曰魏武征韓遂

馬超連兵此地道東原上云有李典營今傳不云從征蓋史失之

吾不可以私憾而忘公義乎 姜云不字疑衍

徑於費西山中要奪之 一清云按西山即蒙山也在費縣西北五十里

沛國公武周為下邳令 少章云公字衍武周字伯南沛國竹邑人詳胡質傳註

大軍先反 賊船稍近 反近二字从御覽

襄陵校尉杜松部民吳母等作亂 一清云案襄陵當作襄賁賁音肥漢志屬東海郡故吳母為亂得與昌豨通是時豨叛於東海觀張遼于禁等傳若襄陵漢屬河東郡魏屬平陽郡去東海甚遠陵字為誤無疑又陳留襄邑古亦曰襄陵然漢以襄邑為

名則非襄陵可知且亦與東海不相連屬也

註有少頃 何增

步出 出改去從御覽

註酒泉烈女龐娥親者 姜氏云據士安作傳娥親是其名而此

但云娥豈傳寫之誤或娥是女子之通稱乎一清按傳云趙君

安則亦與傳不同儀吉案二語未了

欲與恭艾并勢 冊府無艾字

左悺子弟來為虎牙 陳浩曰按上云衡弟為京兆虎牙都尉此

云左悺子弟誤當作唐衡子弟或衡悺子弟

任城陳蕭王傳十九

不自彫勵 志祖云案通鑑作彫飾

註故攝將行 至心腹也 何云故攝下未詳其讀爾御覽作以

註敢望重施 从冊府

註慮事有關 志祖按關通鑑作闕是

後漢書註引續漢書謗訕鄆陵侯彰 一清云按謗訕謂竊議時

事今之謗訕鄆陵侯彰何足遽遭戮乎或彰以其言白之於操

而語意未明耳

受禪炎漢 炎改于云依本集旁註字儀吉按文選作于

則犯詩人胡顏之譏 一清云按困學紀聞曰詩無此句李善引

毛詩曰胡顏而不速死也今相鼠註無之

欲得長纓纓其王 纓改占从文選隱度也

故夫憂國忘家 恆以二方未克為念 今改

南極赤岸東臨滄海西望玉門北出元塞 一清云按赤岸赤壁

也謂征劉表遂與先主孫權爭衡也滄海東海也謂平青兗冀

三州玉門城在今肅州衛西二百里漢縣屬酒泉郡闕駟曰漢罷玉門關屯徙其人於此宋白曰縣石門周匝山閒徑二十里眾流北入延興海高居海使於圖記自肅州西渡金河百里出天門關又西百里出玉門關亦卽玉門城矣謂削除韓遂馬超宋建之屬也元塞盧龍之塞也謂柳城之役皆魏武親歷之事又赤壁亦作赤圻則岸字或是圻字之誤

喟然有歸焉之心 从宋本

傳二十

剛彊公子勤 一清云按子脩子桓子建皆曹氏之所以字其子也鄧哀王冲以年少先卒未有字曰念舒其小字也獨與諸王異今此諸王之舉其字者不必皆小弱者也古者男子二十而冠始有字豈有未立名而先爲字之理名者子生而父卽名之

者也若非史佚其名則曹氏之制殆不可訓

時孫權曾致巨象 何氏云按孫策以建安五年死時孫權初統事至建安十五年權遣步騭爲交州刺史士燮卒兄弟奉承卒度此後或能致巨象而念舒已於建安十三年前死矣知此事之妄飾也置船刻水疑算法中本有此事

燕王宇 寰宇記鄆陵縣魏燕王臺魏文帝封弟燕王宇於鄆陵居此城築臺於城中今呼爲燕王臺一清云接任城王封鄆陵侯燕王宇未嘗封鄆陵蓋記者之誤也

元年爲有司所奏 何氏云元年前上脫青龍二字註深用憮然 今改

謚曰樊安公 一清云按樊是封號安是謚此樊字宜衍奉叔父朗陵哀侯王後 志祖按王當作玉朗陵哀侯名傳寫誤

耳

海內無王三十餘年 三字从漢書諸王表校正

大魏之興於今二十有四年矣 何云此齊王芳正始四年也又

六年而曹爽破滅遂為司馬氏所據

王衛二劉傳傳二十一

註雖名為魏卿相 从宋本

註文帝常賜楨廓落帶 志祖云按漢書匈奴傳張晏註鮮卑郭

洛帶瑞獸名也此郭落帶蓋即郭洛帶文異耳

不足超其父 足字今改

註記喉轉意 何氏云記下疑有脫文當是薛訪車子喉嚨能與

筋同音而脫其文也志祖案四字為句謂記述薛訪車子喉轉

之意也非有脫文

註諸如此章辭語甚多 章今改

註加山以為姓 元板有加字

一曰銓有嵇山云云 一曰下水經註引嵇氏譜

註知本傳為審 一清以意改

註其後大軍西征 何校衍將字此與夏侯惇傳誤同

註棲遲下土 从宋本

註滿子尼字正叔 今改

不為變異豫廢朝禮者 晉禮志增

註不同胡康疑是孟康 何云孟康郭后外屬始仕見輕晚為良

二千石又冀部安平人當時自有胡康也一清按孟康事見魏

略不聞有以過見譴之事則別是一人為審

在薄伐 何云薄伐疑作簿閱官簿閱也

註天下四會 御覽無方字

次尹劉靜綜其目而太密 按劉馥傳載其子靖為河南尹初如碎密終於百姓便之則靜當為靖也

最差寬宋隱 姜云隱即穩字句讀

復故梁圖新城 圖當作依諸葛故傳作圍

二十二

註而大王甫以植而問臣 汲古本

以剛謇少黨 今改

備恨不可羣言 少章云按是時呂布正據兖州與曹操相持何暇復分兵規取徐州乎及布為操所破乃東奔備又在領徐州之明年至備與袁術誘布襲下邳此又在布奔徐州之後一年當時止可料袁術之爭徐不能逆觀呂布之為害也況備雖不

領豫州不過屯徐之下邳謙既卒而備不領州事徐州為他人所有備亦安得有容足之處哉他日袁呂相為首尾協領徐州此變生意外而非始謀不臧輕舉貪得致貽顛蹶又何追恨之有宜由魏史附今虛談承祚未刊削爾

除蕭贊長平令 一清云按除蕭贊長句平令句漢地理志河南郡有平縣續漢志無之則已廢矣豈曹魏復置此縣乎方輿紀要以為即小平城舊志云漢平陰縣北有河津津上有城靈帝時河南六關之一則縣廢而城存耳寰宇記漢平縣故城在偃師縣西二十五里

或言欲以避衰 金疊子今俗家人死輒行課算某曰魂當還輒棄尸徹哭傾戶走竄謂之躲衰此雖鄙猥絕有所本魏皇女淑薨陳羣諫曰聞車駕欲幸摩陂實到許昌二宮上下皆悉俱東

或言欲以避衰云云又顏氏家訓亦云偏旁之書死有歸殺子孫逃竄莫肯在家畫氏分符作諱厭勝喪出之日門前然火戶外列灰被送家鬼帝斷註連如此之類不近人情按之推北齊人魏又在三國時則愚警流傳下搖上惑非一日矣衰字或通作煞今俗則北方避煞而南方迎煞也又字亦从鬼作魑音所介切胡三省曰避衰謂五行之氣有王有衰避舍以避之也今人謂之避災

註長文之言於是為過 一清云按於時蔣子通亦有是言不獨長文也又劉昭郡國志註云昔漢永和五年南陽戶五十餘萬汝南四十餘萬方至於今三帝鼎足不踰二郡加有食祿復除之民凶年飢疫之難見可供役裁若一郡以一郡之人供三帝之用斯亦勤矣則當時固以戶少為病也

晨夜速到 此句下有脫文

明練簡至 以世說校

待吾不足者 者字何增

帝船回倒 何云回卽桅也古字通用

吳頻歲稱兵 一清云按吳下疑落蜀字上云吳蜀恃隘此不得

偏舉一方

未果尋致討者 何去尋字

皆未與夫相見 从御覽

清飭有文思 何改

二十三

不可以一節論也 从冊府較儀吉案原作儉疑檢之誤

註肇髡決滅死 何云肇字疑衍下云刑竟復吏謂沐並被刑也

與肇何涉

註至於敘人才不能寬大 至大二字从御覽

然稱臨菑猶美 志祖按猶當作九

粲彊識博聞 不及洽龔嘗獨見 粲字下有龔字何增洽下同

時將軍許攸 兩許攸

獲于禁張遼云云 按此即于禁并將之七軍也

太祖遣將軍劉桂將二千人往 从通鑑

遷平寇將軍徐晃俱前 晃時為平寇將軍遷字誤也

余為諸君當之 从通鑑

射箭飛書 从御覽

還為丞相理曹掾 一清云案續漢志初掾屬無理曹疑為魏武

所增置也

註羣弟之田廬 志祖案之當作乏

註封廣川侯 晉書作涼川侯

註徐韓等四人 餘幹等四人盧明楷云此即指下嚴幹等李義

韓宣黃朗四人也儀吉按當作嚴幹等四人

註皆馮詡東縣人也 一清云按東縣即臨晉以東之縣也

二十四

辟為丞相士曹屬 一清云按士曹不見於續漢志疑亦魏武所

增置

在官八年以疾遜位 姜氏云魏略韓宣傳稱暨為大鴻臚而本

志不見

註眾少子蔚 何改

註安定太守孟達 兩孟達

註子渾涼州刺史 兩王渾

以柔爲管長 一清云按管當从草作菅蓋管城自隋開皇以前未嘗置縣也郡國志濟南國菅

成爲佳吏 从御覽

時置校事盧洪趙達等 兩趙達

咸不顧小人之怨 一清云按不顧云者不與計較也非不顧恤之謂

柔皆請懲虛實 懲疑作激何

註監一室至暫益 疑有脫誤

註非防近世 防當作昉

久求不得 何言不舉耶 从御覽

以禮爲式 或作以爲體式

註秩與中丞同 从晉書

孫禮字德達 達御覽作遠

征吳於夾石口 口字衍文

因罷役 从御覽

遷冀州牧 一清云按漢末諸州置牧勅自劉焉之謀至魏承漢

祚尚沿舊制劉氏所記時刺史仍舊尊異者爲州牧耶

界實以王翁河爲限 按王翁河卽王莽河也

時匈奴王劉靖 兩劉靖

人爲司隸校尉 何氏云今人字古入字今入字古人字

太祖以爲丞相文學掾 一清云按文學掾亦魏武增置

不設盟器 盟當作明

廿五

註親泥之職也 志祖云案泥當作呢

與敘起兵於鹵城 何改下註同

阜嘗見明帝著繡褶被縹綾半袞袖 何氏云袞袖少章疑下一

字衍尋宋書五行志果然褶上宋書有繡字

非主兵之道也 儀吉按鑑作王兵註王兵王者之兵也

太祖以為丞相軍議掾 一清云按軍議掾亦魏武所置

建章是營 其後有江充巫蠱也衛太子字从續漢五行志校并

衍也字

來去權備 儀吉按通鑑作權禪是也是時昭烈死久矣

願陛下少垂省覽 何改

鉅橋之粟 卒致江充妖蠱之變 何改

掇錄授能 通鑑掇作輟

宣帝承以十郎 从宋本

廿六

有功更拜伏波將軍 宋百官志蕩寇將軍漢建安中滿寵居之

本傳蓋失之一清云按趙稚長張遼張郃皆為盪寇將軍不獨

寵也

賊必來燒軍 軍改營从御覽

臨時節度其宣 何改

尚書趙咨以寵策為長 兩趙咨胡三省曰趙咨蓋必黃初自吳

使於魏者也文帝重其辨給遂臣於魏竊以梅礪之說為不然

不敢下船 一清云按不敢下船是以舍船上岸為下船也

公孫瓚使幹守東州令 東州疑是東州郡國志屬河閒國

征東將軍滿寵欲率諸軍救之 一清云按是時滿寵都督揚州

合肥新城是寵所部兵事各有職司豫為青州督界隔又遠無緣參與其間此事似有違錯也

註葬我必於西門豹邊 一清云按豹下疑脫祠字水經註漳水自西門豹祠北逕趙關馬臺西是也魏武營旁陵於西門豹祠西原上豫蓋以重臣陪葬耳故知魏略之言為虛也儀吉案此說非也魏武陪陵重臣尚多必不及豫

豫張袖受之一清按三十斤金非可張袖受者似有飾詞

註昔魏絳開懷以納戎賂 从冊府增

賊欲斫棺取釘 一清云按釘直幾何至乃斫棺取之容亦有飾

詞

備疑不敢渡 从御覽

淮逆擊走之 何增

八年灑西南安金城西平諸羌餓何燒戈伐同蛾遮塞等 水經

注曰十三州志左南津西六十里有白土城城在大河之北而

為緣河濟渡之處魏涼州刺史郭淮破羌遮寒於此即此處矣

是淮為涼州刺史傳失之塞作寒

註鎮子奕 兩郭奕

廿七

度遠將軍 今正

及度支州界軍用之餘以市金錦犬馬 从晉食貨志

少與同郡王淩俱知名 何氏云觀此同為太原之王而晉陽與

祁非一族

而武子擊之 何改

夙智性成 宋本

遷征南將軍 何改

今屯宛 何改

揚聲欲入寇 此不過欲補綻支黨二條从鑑

基又表城上 五字疑有訛脫表城下有脫字徙治事見王昶傳

是歲基母卒詔祕其凶問 何氏云然則基竟不持母服矣異哉

都督荊州諸軍事 按晉書文帝紀於是分荊州置二都督基鎮

新野州秦鎮襄陽荊州移治新野始於王昶之議

註當由車御至赤岸 一清云按赤岸即赤谿也在夷陵州西北

五里即陸抗築城困步闡處東介大江或謂之東坑陸機辨亡

論陸公以偏師三萬北據東坑李善曰東坑在西陵步闡城東

北長十餘里抗所築城在東坑上

註皆山路險狹 从冊府增

而作霖雨 宋本

須復節度後 儀吉案通鑑作候

二十八

轉在青州 馬氏異倩云在當是任字

仍徙為揚豫州刺史 一清云按於文多揚字是時諸葛誕為揚

州刺史誕傳云出為揚州刺史王凌之陰謀也司空宣王東伐

以誕為鎮東將軍都督揚州諸軍事以是知凌不得兼領二郡

也下云及臨兖豫繼其名跡則以凌先為兖州又為豫州故足

繼司馬朗賈逵之聲烈蓋合而言之耳 凌敗以毋邱儉為豫

州刺史及東冀之敗儉與誕對換儉敗又以誕都督揚州也

註莫之或哀 一清以意乙

註彼莫不必改 志祖案通鑑註必當作畢

凌欲因此發 儀吉案鑑發下有兵字

告兖州刺史黃華 兩黃華

註問卿令狐及乎 盧明楷云按及字不可解疑為反字之誤蓋

謂令狐愚與王凌通謀之事單固知情也

固故云 儀吉按鑑作固固註云上固其名下固固執也

親土埋之 晉王敦傳卻鑿曰王凌觀上親字誤也

毋邱儉 何云漢書高紀下註云毋邱毋邱本一姓之語有緩急

故知此字作毋者傳寫之誤

父興 水經註曰穀水又東逕魏將作大匠毋邱興盛董南二碑

存焉儉父也此云父興似脫一字

大戰梁口 何氏云梁口冊府作梁口註梁音過一清案裴註云

梁音渴渴即渴字之訛水經註濡水篇云新河又東至九過口

枝分南入海即是此地也梁字亦無過音

太守張休 兩張休

註瓜分中國 从元板

註司馬師滔天作逆廢害二主 何氏云此表後人作高貴鄉公

之弒昭事也何預言二主乎

註以元等四人為四聰誕輩八人為八達 劉放子熙蓋又一劉

熙備改輩

吳賊欲向徐場 徐場當作涂場即涂塘也

唐咨王祚及諸裨將皆面縛降 一清云晉文紀云吳將唐咨孫

曼孫彌徐紹等帥其屬皆降而誰令傳云孫靜從子翮緝則與

晉書不同吳宗室又無翮緝其人者曼與彌皆孫靜次子瑜之

子又不得為從子也至孫皓之立司馬昭遣降將徐紹孫或齋

書喻皓而諸紀傳又無或名其差錯如此

註賞王基之功 从通鑑改賞字

武略既敷 以意改

賞王基語 从鑑改同上

行爲士則 儀吉案文選碑文是文爲德表範爲士則與此不同

後爲典農綱紀 一清云案綱紀卽註引世語功曹也典農之官

詳於此傳晉段灼理艾疏曰艾本屯田掌犢人

宣王善之事皆施行 事皆施行御覽作皆如艾計下有遂北臨

淮水自鍾離西南橫石以西盡泚水四百餘里置一營營六十

人且田且守兼修廣淮陽百尺二渠上引河流下通淮潁大理

諸陂於潁南潁北穿渠三百餘里溉田二萬頃淮南淮北皆相

連接自壽春到京師農官兵田雞犬之聲阡陌相屬下接每東

南有事云云以冊府元龜參校四百餘里下脫五里二字大理
作大治兵田作兵屯引此云是鄧艾傳則是承祚本書後人失
之所當刊正補入無疑也亦見晉書食貨志

足以建命 建疑違

輒移屯附亭 一清云按亭卽黎漿亭也水經注黎漿水東逕黎

漿亭南附近也移屯近此亭也

吾以陸軍 軍疑作運

趣涪出劔閣西四百里 四字何校增

豫備順流之事 从宋本

埋一魂而天下歸其義 馬巽倩云埋宜作理

註惟子韜子行得免千秋先卒二子亦燒死 何云上云惟子韜

子行得免下云二子亦燒死艾之後人蓋罹於火禍非一次矣

儀吉按二子恐是言千秋二子也與韜行無涉

註使尙書鐘毓問泰 何改

註念兄侍中毓 何改

中書令劉表 一清云案又一劉表

琮子懌孫靜從子湍酬誦等 湍字當在懌字之下八字儀 吳志

全夫人傳全懌全湍全禕儀等並因此際降魏諸葛誕傳亦作

全懌全湍可證也

懌兄子輝儀 輝據全琮及全夫人傳當作禕晉文紀同又東潛云吳

志宗室傳孫靜子姪無名嗣緝者而晉書武帝作孫彌孫曼二

人皆靜次子瑜之子故以孫系祖若其從子則彼祖父自有名

字何至稱靜也武紀爲是儀吉案孫靜者全琮之孫名靜下云

從子亦琮之從子也與吳宗室孫靜無涉東潛此說大誤全琮

傳懌兄子禕儀靜等亦降魏懌之兄子固琮之孫也又案全靜

在此東潛何以自解

欲從漢德陽 下落亭字从鄧艾傳校補

以次楛殺內坑中 从鑑增內字

二十九

劉祖針胃管訖 从北宋本

又有一郡守篤病 何增篤字

註言炙此各七壯 十改七

佗恃能厭食事 食字衍从後漢書校

註景宗說中平曰 按顧亭林云古人日月之曰皆作日似日字

惟以上日曰爲別耳後人乃以爲日月之日曰作言語解矣然

則此日字乃日字也卽中平年之義

註有瘡瘡而不痛 後漢書皆作創

註世謂寒熱注病者也 後漢書增也字

註飲寒水水寒中泄利 何增水寒

註欲其食少而努行也 努後漢書作怒

杜夔 何氏云杜公良當與王仲宣同傳不可與方技伍

時散騎侍郎鄧靜 從晉樂志校增騎侍二字

尹商善訓雅樂 從宋樂志校改二字

註子春及眾士互相攻詰 從冊府校改

當有利其數升米者 升御覽作斗

直老鈴下耳 御覽引此鈴下耳下有公府閣有鈴以博呼鈴下

有吏者也當亦是裴註

註如何可得終以皆亂 安溪先生校正作如將可得

註輅鄉里乃太原 趙氏云乃太原三字未詳儀吉案乃姓古原

名

註果共論易九事 按南齊書張緒傳平叔所不解易七事諸卦

中所有時義是其義也此云九事二書互異

註覆載大物生長撫育 何改

過毋邱儉墓下 姜氏云當是儉父之墓

三十

故得擅漢南之地 漢南當作漢南下漢南少事同

註報嫂若無報嫂者 報字今改

時以四節 後漢書作別四節

東牆 牆亦作牆

葵子 後漢作稌子

舊毬 後漢作毬毬上無縷字

註從五原關出塞征之 一清云按五原關今紫荆關也後漢書作五院院字誤當作阮阮原音同

烏丸大人郝且 後漢部且

欽志賁 欽後漢作歆下同鮮卑註引魏書

紹矯制賜蹋頓難峭王汗魯王印綬 難下脫樓字後漢烏桓鮮

卑傳云紹矯制賜蹋頓難樓蘇僕延烏桓烏延等皆以單于印

綬峭王卽蘇僕延也汗魯王卽烏延也難樓爲上谷烏丸大人

與遼西之蹋頓並相雄長

爲其種人所歸信 種下何增人字

後漢紹因寵慰 尉何改慰

敗奔蹋頓借兵欲復圍冀州 元板

柳軍未進 柳疑作抑

註皮毛柔蠕 後漢書蠕作蟻

註築南北兩部質宮 宮後漢作館

今教戰射 今改令

投鹿侯 據後漢此上有脫文

而電入其口 後漢電作電

平曲直 據後漢校增平

彈汗山 東西萬四千餘里至遼東接夫餘濊貊爲東部

熹平六年 以上三則並據後漢改

烏侯秦水 後漢作烏集

聞汗人善捕魚 後漢作倭人下作倭人國

北地廉人 庶何改廉郡國志北地郡廉縣

其子騫曼年小 據後漢增

長老說有異面之人 何氏云異疑作累後云項中復有面也
註疑以為天生也名之曰東胡 从御覽

東至施掩水 掩澆水註今高麗中有蓋斯水疑此水是也

古雛加 古鄒大加註高麗掌賓客之官如鴻臚

優台丞 無丞字

涓奴部 涓改消以上三則俱據後漢

其大加皆稱古雛加 何氏云大加當作犬加

遼東大守葉颯 據後漢

順桓之間 何改

位宮有勇力 从御覽

貂布魚鹽 何改貂為貂

其身如中國人衣 後漢無國字

皆入目 从後漢校

朝鮮使淮 後漢作準

自單單大領以西 北字衍見前後漢書不重單字

侯淮既僭號稱王 淮即準字今俗多書準為淮或云以宋以寇

萊公諱押尾書準者去十作淮字者非也俟考

註以止之不攻 何改

滿番汗 兩漢志俱作番

註朝鮮與燕界以泚水 从史記校下同

弁韓布萬五千匹 何改

中韓 後漢書作韓中

弁辰二十二國 按此當依總序作弁韓觀下又有弁辰可見

合二十四國 馬延國重按下云二十四國今數之得二十六也

拘邪韓國 何改 倭人條下

遣塞曹掾史張政等 少章云塞疑奏

復立卑彌呼室女壹奧 从寰宇記校

註魏略曰西戎傳曰 何去上日字

百頃氏主千萬 百頃字何改

註渠勤國皮山國 山字今改

乳青毛蛉赤如銅 宋本無青字

髮青如青絲 世說註作髮如青絲爪如銅下左脅作右脅景廬

作景廬復立作復定

休循國 循今改

羽翩象牙 牙今改


出好馬有名駘 从寰宇記

而走疾於馬 从寰宇記

註傳聞常有商 此下趙以太平寰宇記補三十三字曰旅行北

方迷惑失道而到斯國中甚多真珠夜光明月珠見者不知此

國名號



48-11258

